

八廣通志一百六十三

名臣列傳

卷二十三

鑲紅滿世職六百二



八旗通志初集卷之一百六十三
名臣列傳二十三

鑲紅旗滿洲世職大臣二

庫拜

子商堅
族弟哈爾薩

霸奇蘭

勞薩順科洛巴圖魯

族人顧巴察

程巴

羅璧

布顏代額駙

綽和諾

傅夸禪

哈哈納

子戴祿

費揚古

孫噶篤渾



庫拜滿洲鑲紅旗人。姓鈕祜祿氏。世居英格地方。祖賴喇渾。曾附哈達。後棄哈達。率本村人來歸。兄庫爾禪榜式。見儒林傳。庫拜從征額黑庫倫。率本甲喇兵。獨攻克一村。天命四年。隨大兵。征明撫順。遇張總兵來戰。庫拜先本固山擺牙喇兵衝入。敗之。征瓦爾喀什。仍先本固山擺牙喇兵衝入。手被創。遂殘廢。六年。大兵克遼東。以庫拜才能尚堪用。授備禦世職。天聰五年。設六部。以庫拜任吏部叅政。三載考察。以辦事有能。

加世職爲遊擊。八年同薩穆什喀霸奇蘭征撒
哈連烏喇有功。九年加世職爲二等甲喇章京。
子商堅於崇德五年襲職。八年從鄭親王濟爾
哈朗征明。攻前屯衛城內兵出戰。蒙古巴林喀
喇沁敗走。商堅同梅勒章京覺善追擊之。順治
元年。隨睿王多爾袞進山海關。擊流賊有功。二
年。加世職爲一等甲喇章京。七年。九年。三遇
恩詔。加至二等阿思哈尼哈番。仕至副都統。孫汪古禮。
仕至都統。族弟哈爾薩崇德三年。以擺牙喇甲

喇章京。隨貝勒杜度。證明至山東。率本甲喇兵。
用雲梯攻海豐縣城。克之。四年。叙功。授半個前
程世職。六年。從圍錦州。我噶布什賢兵誘擊松
山兵。哈爾薩隨轟章京希沙率衆前進。大敗其
師。又率本甲喇兵。敗敵於松山北山。有明兵來
犯本固山。及正紅旗壕塹者。哈爾薩俱擊敗之。
八年。從征撒哈達烏喇。圍努爾噶兒城。絕其汲
道。招降之。又同阿爾津。哈寧阿。率兵一千。前往
招服兩哈爾塔孫。及能機爾。綽庫禪。四村。擒獲

叛黨百餘人。順治元年。隨睿王多爾袞。進山海關。擊流賊。率本甲喇兵。敗其馬兵。復追至慶都縣。擊敗之。二年。議叙。加世職。爲牛录章京。兼半個前程。

霸奇蘭。滿洲鑲紅旗人。姓納蘭氏。世居彞巴丹地方。早從征伐。積戰功。授遊擊。世職。隨大兵攻沙嶺城。率五牛录兵。燹越衆先至。敗敵有功。天命十一年。從

太祖高皇帝征明寧遠。未下。奉

命率本旗兵攻覺華島。破之。賞銀百兩。

太宗文皇帝即位。八旗設十六大臣理事。以霸奇蘭爲

正黃旗大臣。天聰三年。從大兵征明。至北京城下。擊明滿桂。黑雲龍等。四總兵軍。奮勇攻入。大敗明兵。七年。隨官兵征旅順口。霸奇蘭與薩穆什喀。並舟先入。奮擊岸上敵兵。霸奇蘭面及肩脇。俱被傷。復前進。敗敵兵一隊。乃大呼云。孰能超躍先登。能超躍者。吾必記功。奏聞。

皇上。并啟知貝勒。於是雍舜。朱瑪喇。超躍而登。霸奇蘭

亦率兵繼之。時我兵少動。霸奇蘭又大呼云。殺敵人矣。整兵復入。遂攻克之。霸奇蘭時爲步兵主帥。因破敵有方。并克旅順口。攻功由遊擊世職加爲三等副將。八年十二月奉

命管步兵梅勒章京事。率章京四十一員。兵二千五百人。往征黑龍江地方。

太宗諭之曰。爾等此行。道路遙遠。務奮力直前。慎毋憚勞而稍怠也。俘獲之人。須用言言撫慰。飲食甘苦。一體共之。則人無疑畏。歸附必衆。且此地人民語音與

我國同。攜之而來。皆可以爲我用。攻略時宜語之曰。爾我之先世。本皆一國之人。載籍甚明。爾等向未之知。是以甘於自外。我皇上久欲遣人詳爲開示。特時有未暇耳。今日而來。蓋爲爾等計也。如此諭之。有不翻然來歸者乎。爾等其勉體朕意。大丈夫凡受委任。當圖報稱。語云。少壯不努力。老大徒傷悲。誠哉是言。若此時不力圖建豎。異日雖悔。何益耶。

諭畢賜食。又

諭曰。入略之後。或報捷。或送俘。必令由席北綽爾門地

方經過爲便。將來遣人往迎。及運送軍糧。亦必如此處相待。其應略地方。須問鄉導人。有夏姓武曰屯長喀拜。從役二人。庫魯木圖屯長郭爾敦。從役三人。及納屯一人。適已偕至。今俱令其從軍矣。爾等可率之。以往經行道路。詢彼即知。若彼處已經略定。此歸附三屯。不可稍有侵擾。宜令留於本處。仍諭以曰爾等輸誠來歸。故使復還故土。自後宜益修恭順。倘往來稍間。必謹責立至矣。若所略不獲如願。則不必留此三屯。當盡携來。凡器用之屬。有資軍實者。亦無使遺

棄軍還務。令結隊而行。不可分散。爾等其凜遵焉。

諭畢。命貝勒薩哈廉。杜度。固山額真納穆泰等。送於二

里外。按旗分列。簡士卒。閱器械。集出征諸將。宣勅諭畢。讀遂起行。九年四月。霸奇蘭遣兵部啟心。郎額

色黑。伊木布等。疏報。收服編戶壯丁二千四百

八十有三。人口共七千三百有二。所有牲畜數

目。馬八百五十六匹。牛五百四十三頭。又俘獲

婦人子女一百十六人。馬二十四匹。牛十七頭。

貂皮一千一百二十四張。狼皮十八張。猞猁獾

皮十二張。水獺皮二十張。狐皮五十張。騷鼠裘
十二領。騷鼠皮一百六十張。青鼠裘三領。青鼠
皮一千五百六十張。白兔皮一百九十七張。五
月。霸奇蘭進征黑龍江。盡克其地。將所獲人民
全編氓戶。攜之以歸。是役也。叙功加世職爲一
等梅勒章京。紀錄一次。霸奇蘭獻俘獲人口及
馬牛皮張等物。

太宗以其出征勞苦。即以所俘獲者分賜之。十年二月。
以從前征旅順口時被創。至是創潰卒。加贈世

職爲三等昂邦章京。以子拜山承襲。

勞薩順科。洛巴圖魯。滿洲鑲紅旗人。姓瓜爾佳
氏。世居安楚拉庫地方。天命六年。從大兵征明
克遼東。授遊擊。世職。天聰二年。征多羅特凱還。
加世職爲二等叅將。三年十二月。隨

太宗文皇帝。征明爲前哨。於北京德勝門。遇明兵二百
出城。即擊敗之。斬五十人。獲馬四十六匹。加世
職爲一等叅將。勞薩驍勇。每行兵必爲前鋒。偵
敵。屢擒敵哨。初從征錦州。同阿濟格。阿格。碩託

阿格等率固山兵進戰。先固山兵直入敗敵。又隨

太宗擊錦州兵。勞薩出誘戰。見我國大將覺善。為敵兵所圍。即奮勇直入助戰。又八固山整陣擊敵。勞薩先固山兵前進。見敵兵執我奇录額真一人。將加害。勞薩援出之。四年二月。從大兵征明。同土魯什。席特庫。沙爾虎達等捉生。擊敗明哨卒。獲馬十七匹。生擒二人。五年八月。從征明大凌河。率精兵二百。往錦州松山一路。哨探有敵兵。

二千自松山來。勞薩率兵擊敗之。斬百餘人。獲三燾以獻。十月。同土魯什率每旗官各一員。兵一千名。往錦州松山一路捉生。遇明管隊一人。領十人執燻奔寧遠。俱斬之。獲其甲冑馬匹而還。又領燻擊明監軍道張春前營。不遠指授。奮勇殺入。敗之。十一月。從征察哈爾。率精兵一百。往覘察哈爾兵踪跡。十二月。追察哈爾兵過興安嶺。不及而還。途次獲察哈爾遺棄馬一百七。十匹。駝五隻。甲二十五副。六年四月。獲察哈爾

國三人。馬七匹。駝一隻。五月。同阿山。土魯什。吳拜。率精兵三百。前往捉生。至虎喇戶地方。有詹土謝圖。下蒙古五人。私逃奔察哈爾。勞薩擒斬之。又率精兵百人。先大兵三十里前進。至喀喇莽奈地方。遇察哈爾哨卒四人。追至益圖地方。斬其一人。見前有敵兵百人。圍困我國劉哈勞薩。率七人。謹諫衝入。敵遂敗走。尋遣人奏言。遇察哈爾哨卒一次。爲我兵追北。後無所見。觀敵人大隊踪跡。逃去已久。恐我兵追之無及。於是

太宗自布龍圖旋師。至枯橐地方。駐營勞薩。還與大軍會。尋復隨。

太宗往畧察哈爾部民。直入明境。同土魯什在大軍前捉生。八年二月。率擺牙喇精騎八十名。廝卒四十名。往錦州捉生。五月。同圖爾格。率擺牙喇兵。出邊渡遼河。沿張古臺河。駐劄。保守外藩蒙古。並扼敵兵。

太宗諭之曰。敵若來犯。必先侵爾等所駐防一路。蒙古爾等當從陽石水河北岸。抵張古臺河。立營。預分兵。

爲二隊。一隊簡選精銳。令勞薩等八將統之。一隊令圖爾格統之。嘗見千兵合爲一隊。則覺其少。千兵分爲數隊。則覺其多。爾等可先分爲二。後合爲一。再令喀喇沁兵與爾兵同駐。若遇敵至。勞薩一隊前擊。圖爾格殿後。敵若自渾河內偏度。能追及。乃與之戰。若相距太遠。不必追擊。倘深入我西拉木輪河。則擊之。駐防數年。敵不敢犯。尋以効力行間有功。加世職爲三等梅勒章京。

賜名順科洛巴圖魯。九年八月。隨墨爾根代清貝勒多

爾袞。往收察哈爾林丹汗子額爾克孔果爾額哲。勞薩乘夜前往拆毀長城。遇明羊房口步兵出迎。擊敗之。又敗寧武關哨卒。斬十人。生擒二人。遂毀關入畧代州。又於黑峯口擊明遊擊下哨卒四十人。俱斬之。得馬三十餘匹。十年三月。奉

命往明喜峯口。潘家口。賚書還。遇明邊外哨卒二十五人。斬二十三人。生擒二人。獲馬十匹。崇德元年六月。率甲士一百十八人。往明國沿邊躡踪。七

月至冷口。遇明哨卒十四人。斬三人。生擒一人。獲馬十五匹而還。十二月從征朝鮮。率兵三百。僞爲商人。星夜往圍朝鮮國王所都王京。有朝鮮二副將。四遊擊。六備禦。率精兵六千餘迎戰。勞薩盡破之。進抵王京。朝鮮王棄國逃遁。即穿城追之。至四十里南漢山城。有敵兵將入南漢城。勞薩截殺二百餘人。南漢城中有兵四百餘。出迎。復擊敗之。二年正月。奉

命率噶布什賢全軍還

盛京。三年九月。隨揚威大將軍貝勒岳託征明。由北京征山東。率四固山噶布什賢兵。駐邊外五隘口。斬四十人。生擒三人。發五處埋伏火藥。進邊之日。遇牆子嶺城道出馬兵三百。擊敗之。獲馬八十六匹。有明兵五百。自北京城出。埋伏二處。勞薩俱擊敗之。斬一千總。生擒三人。獲馬十一匹。明吳總兵率馬步兵八千來拒。正紅旗察哈爾蒙古阿蘭泰怯戰旁走。勞薩同圖賴率衆。轄即由阿蘭泰走處。直入對陣。擊敗之。敵兵夜

犯噶布什賢西忒庫營。勞薩聞礮聲，尋至彼處。擊其一營，敗之。又率四固山噶布什賢兵，追敵哨騎，生擒十九人，斬首一百七十七人，獲馬一百三十五匹。四年，加世職爲二等梅勒章京。五年二月，率兵往廣寧捉生。五月奉

命，同吳拜率噶布什賢兵，並每旗下轄十人，由中後所北，往畧海邊一帶，尋勞薩等，由中後所北面入。勞薩駐兵西面，吳拜駐兵東面，分兵一半沿海搜畧，獲馬二十四匹，牛一百六十三頭，驢四十

頭，人十六名，斬二百二十人。是月凱還。緣事降世職爲一等甲喇章京。革順科洛巴圖魯名。六年七月，隨和碩鄭親王濟爾哈朗圍錦州，率噶布什賢兵，誘松山敵兵出，遂馳還，伏而擊之，獲馬百匹。甲九十副。明經畧洪承疇軍來戰，方覓親隨轄員後營，忽遇敵二隊，遂進擊。會王貝勒等統兵至，又合兵追至城壕，敗之。往塔山東捉生，復擒騎兵一人，因加世職爲二等梅勒章京。

賜名順科。洛巴圖魯。尋隨睿王多爾袞。與明洪承疇三隊兵戰。歿於陣。

太宗軫悼。遣內大臣攜酒往奠之。七年。加贈三等昂邦章京世職。以子程尼承襲。順治十二年。三貝勒世祖章皇帝。以梅勒章京三等精奇巴哈番。勞薩順科。洛巴圖魯。當

太祖

太宗時。攄効力。著蹟行間。

賜謚忠毅。照一品大臣例。立碑於墓。用傳不朽焉。勞薩

族人顧巴察者。康熙十五年。以護軍叅領。從征叛鎮王輔臣。至陝西。進取綏德州。敗賊於虎爾隘。嶺。隨進攻平涼。距城八里。有偽總兵王繼正。領兵拒敵。率本固山兵。隨大兵擊敗之。繼正復集賊兵來犯。顧巴察又隨大兵進擊。歿於陣。二

十五年。議卹。贈拖沙喇哈番。以弟之子希門德承襲。程尼。勞薩子也。以崇德七年。襲父三等昂

邦章京世職。順治七年。九年。三遇

恩詔。進封一等伯。任議政大臣。尋隨定遠大將軍敬謹

親王尼堪往湖廣。征偽秦王孫可望等。戰於衡州府。與王俱歿於陣。由一等伯卹贈加一拖沙喇哈番。以其叔父羅璧襲爵。十二年九月。賜祭葬。謚誠介。立碑於墓。碑文稱其承襲父職。弗替家聲。爲黑白昂邦。小心匪懈。克稱厥任。迨征湖廣。禦敵從王。捐軀報國。可謂始終盡瘁。特勒貞珉。以光泉壤云。

羅璧勞薩順科洛巴圖魯之弟。初任牛录章京。同折爾德清善雅賴率步兵一千。往新城一帶。遇明將毛文龍採參船四隻。殺六十人。毀其船。崇德五年。從官兵征明。圍錦州。擊杏山馬兵。斬殺二人。又擊松山馬兵。敗之。六年。復隨官兵圍明錦州。有松山馬兵來犯我紅衣礮。率本甲喇兵擊敗之。錦州步兵出城樵採。羅璧領燾直前。斬殺甚衆。旋於木河設伏。敗錦州馬兵。又從擊明經畧洪承疇三營步兵。不遠指授。領燾步戰。敗其衆。身受八傷。戰彌厲。七年。叙功。授牛录章京世職。順治元年。隨睿王多爾袞。進山海關。破

流賊。復追至慶都縣。敗之。二年。以梅勒章京。隨
征流賊至延安府。城內賊兵出犯我輜重。率本
固山兵擊敗之。進至延安府。連營困之。城內有
賊馬步兵來犯。羅璧同燾章京車爾布擊却之。
又同固山額真覺羅巴哈納。招服鳳翔府地方。
併遣人招服四堡。又擊敗流賊第二營。旋同梅
勒章京阿拉善。明安達禮。往探賊踪。敗賊吳伯
兵三千人。三年。叙功加半個前程。七年。九年。三
遇。

恩詔。加至一等阿達哈哈番。十二年。兄子程尼戰歿。羅
璧襲其一等伯。又一拖沙喇哈番。併加已所得
世職。爲二等公。

布顏代額駙。滿洲鑲紅旗人。原係吳魯特貝子
姓博爾濟錦氏。

太祖高皇帝創業之初。布顏代自西拉塔喇地方。率部
屬投誠。以格格妻之。授二等叅將世職。天命十
一年。從大兵征明。攻寧遠未下。遇覺華島明兵。
即同吳內格榜式。率蒙古固山兵擊走之。天聰

三年。從征明。至北京。入大安口。四遇敵兵。領燾進擊敗之。又遇蘆溝橋兵。領燾率七人當先擊敵。喀喇沁善巴塔布囊所居城。有敵兵來犯。布顏代率兵擊却其衆。四年。闡明永平府。領燾率五人前進。擊敗對陣敵兵。官兵駐扎遵化。同吳內格榜式取糧深入。擊山上駐立敵兵。斬四十餘人。從攻大同。率蒙古教漢兵爲前隊。哨探遇敵兵。擊敗之。敵兵設伏於陽河。同葉臣大敗其衆。五年。從征明大凌河。城內兵出犯。領燾前進。

斬一人。被創一處。八年。叙功。加世職。至二等梅勒章京。是年六月。從征察哈爾。率蒙古擺牙喇兵。由哈麻爾嶺一路前進。收獲察哈爾國來歸一喇嘛。及俄爾寨圖。退圖。三人。併所率弓手一百五十人。馬七十匹。駝一百二十四隻。牛二百六頭。羊千隻。又於西拉木輪河源。獲來歸男婦幼小四十人。又遇察哈爾國逃來百餘戶。招降之。俱携以歸。尋授禮部承政。調蒙古固山額真。緣事降世職。爲一等甲喇章京。崇德元年。隨大

兵征朝鮮。聞報有海船數隻。同色特立塔布囊
夜往。擒獲敵船二隻。又同梅勒章京那爾賽領
兵前進。射殪敵一人。斬一人。六年。從征明。圍錦
州。擊敗松山步兵。同梅勒章京勞薩率兵前進。
領三燾深入。鎗刺一人。被創二處。追擊錦州兵。
斬一人。被創二處。城內兵出犯本旗刈草汎地。
同梅勒章京和託擊却之。被創一處。順治元年。
隨睿王多爾袞。進山海關。擊流賊。復追賊至慶
都縣。俱有功。議叙加半個前程。授爲一等甲喇

章京。兼半個前程。是年。隨定國大將軍豫親王
多鐸征流賊。至陝西。在潼關駐兵。賊兵夜犯我
營。隨官兵擊退之。埋伏噶布什賢兵與賊交戰。
布顏代敗賊兵二次。被創二處。進征江南。渡黃
河。駐營。與佟南步兵接戰。所乘馬被傷。猶奮勇
深入。射殪敵人。二年二月。傷發。卒於軍。年六十

一。

綽和諾。滿洲鑲紅旗人。姓那木都魯氏。世居東
海。倭濟艾滿地方。及明安圖巴顏第三子也。明

安圖巴顏當

太祖高皇帝時同康古禮烏祿堪來歸。

太祖嘉其誠賜宴併賜金銀彩緞等物遣之往率所屬

偕來明安圖巴顏感

太祖厚恩即將長子哈哈納三子綽和諾爲首率子弟

家屬並千餘人丁來歸綽和諾年幼有有大志

欣然歸附

太祖以其所屬人丁編爲牛录令綽和諾管其一從征

扎庫塔身受二創又從征山巖哈達及瓦爾喀

什並以力戰被創又從征西綿遼東沙嶺錦州

四處城俱未被全甲止穿額爾布甲真前力戰

有功額爾布甲者綿半臂也尋以克遼東議叙

授遊擊世職

賜一世管牛录戶口

簡置十六大臣之列從攻沙嶺城率五牛录兵攻克之

旋領兵往科木索地方駐防有台洲寧古塔所

居周善殺首者遁去綽和諾追及海濱斬之併

同逃之衆盡斬不遺事聞奉

旨以俘獲之物俱賜之。天聰五年。從征明大凌河。所向率兵衝擊。遇明監軍道張春前隊兵。力戰歿於陣。加贈一等叅將世職。魚子。以兄翁柯尼承襲。又

賜翁柯尼新降虎爾哈人一百名。令其管理。八年。緣事革職。以子傅夸禪襲職。

傅夸禪。初隨父兄投誠時。年甚幼。任壯尼大。從征大陽口。射殪二賊。一賊乘馬疾馳。復追擊斬之。獲其馬以歸。又同壯尼大二人。擺牙喇二人。

擊敗敵兵。自倭托里地方。前往捉生。生擒一人。天聰五年。從征大凌河。力戰。所乘馬傷。乃奮勇擊敵。獲燾一桿。又衝入敵隊。被創。同布音率擺牙喇二十人埋伏。有壯尼大要奎者。誘敵至汎地。將戰。忽墜馬。傅夸禪援出之。明監軍道張春援兵銳甚。傅夸禪衝入其前隊。身中四創。崇德元年。從征朝鮮有功。又從征明寧遠。被創。仍同合希前進。射殪敵一人。又越吳三。胡什布之前。射殪一人。三年。從征明大同。取商顏寨。足中一

傷八年。襲父翁科尼一等甲喇章京世職。尋陞
理事官。兼甲喇章京。順治二年。以
定鼎燕京。加授半個前程。三年。外陞鎮守西安等
處昂邦章京。四年四月。統領滿漢官兵。往征甘
州流寇。擊賊首郭鎮君。劉文秉。馬步賊二千。敗
之。斬郭鎮君。生擒劉文秉。聞賊首衛天命聚賊
千餘。遣侍郎額色。率兵擊敗之。生擒衛天命。斬
首五百。進圍河州城。遣官兵。擊敗賊援兵二千。
斬首千餘。遂進攻甘州。有賊兵二千出城運草。

遣官兵擊敗之。斬首四百。賊兵自城中突出來
犯。復擊敗之。斬首二千有餘。旋同總督孟喬芳
議。分派官兵。用雲梯進攻。遂克甘州城。聞偽都
堂劉永祚。領千餘賊兵。困韓城縣。遣兵擊敗之。
又聞三水縣。有賊首劉宏才屯札。遣侍郎額色
率兵往勦。賊乘夜來犯。擊之。斬千餘人。招撫河
州城。斬賊首王大洪。又遣官兵招撫高山二千
餘賊。降涼州城。七年。九年。三遇

恩詔。加世職至一等阿思哈尼哈番。十八年。改鎮守西

安等處昂邦章京。爲鎮守西安等處將軍。康熙三年。以西安將軍統兵勦四川湖廣逆賊郝搖旗。郝爲勁賊。自明末猖獗二十餘年。莫能撲滅。傅夸禪遣副都統杜敏。提督鄭蛟麟。率官兵往搗賊巢。聞郝搖旗。袁宗第等遁去。杜敏。鄭蛟麟。遣佐領巴達席。及署總兵官梁加琦等。追至黃草坪。擊敗郝搖旗二營兵。生擒搖旗。又擊敗袁宗第二營兵。生擒宗第。併僞部院何育鰲。及賊婦子千餘。獲賊僞印勅。招撫僞總兵十四員。兵七千餘。生擒僞王朱宗漢。併獲賊僞印關防勅劄。數十年強寇。一朝盡滅。關陝人慶更生。四年。叙功。加世職爲三等精奇尼哈番。七年致仕。八年三月病卒。

聖祖仁皇帝遣官致祭。恩禮有加焉。

哈哈納。綽和諾之兄。

太祖高皇帝時。同弟率戶口來歸。授副將世職。妻以宗室之女。將所屬人丁編爲牛錄。以哈哈納管其一。初從征喇。隨貝勒阿巴泰擊敗賊_敵兵。身中鎗

傷二。箭傷一。刀傷三。

賜人三口。天命四年。從征葉赫。隨貝勒阿巴泰擊敵有功。又從征瓦爾喀什之阿卜達里崗。三敗敵兵。大兵征牛汪佳哈城。及山巖哈達瓦胡穆我佛洛等處。並從行擊敵有功。旋率本旗兵。往賽明吉地方戍守。聞其地漢人盡行叛逃。守將馬爾圖追之不及。哈哈納星夜追尋。斬首三百餘級。獲男婦五百餘。朝廷嘉其功。將所得叛渠鞍馬弓矢盡賜之。

賜之併

賜婦人一口。衣服五囊。尋有五萬餘賊兵來攻札飛燕

嶺。哈哈納率兵力戰却之。中傷三處。

賜馬一匹。姑喇庫我佛洛地方。有朝鮮兵一隊來窺我

汛地。哈哈納隨貝勒阿巴泰擊敗之。又從攻西

密岩城。隨貝勒阿巴泰擊敗敵兵。克其城。六年

從征遼東。同固山額真博爾晉轄進戰破敵。併

擊敗其援兵四隊。

賜銀八十兩。緞八疋。毛青布八十疋。又從攻開原。鐵嶺。

銀州三城俱有功。隨貝勒阿巴泰攻撫順城。克之。又同固山額真博爾晉轄攻沙嶺城。克之。擊敗廣寧援兵五萬。天聰八年。隨官兵略錦州。於錦州城下擊敗敵兵。征寧遠時。布蘭朱陣亡。哈哈納未及戴盔。身先貝勒擊敗敵兵。所乘馬被傷死。從修海州城。明兵來爭於黎明時。至英樹村。哈哈納聞礮聲。即率本旗兵前行。敵衆敗退。率兵追擊。獲男婦無算。聞耀州被明兵圍困。哈哈納率本旗兵往援。敵衆遁走。哈哈納渡河追擊。斬十餘人。獲馬三十匹。又隨武英郡王阿濟格攻昌平州。涿州。並敗敵有功。尋因哈哈納任事稱職。授以方畧。遵守弗違。

特簡爲十六大臣。令其出則領兵屯戍。居則料理庶事。

未幾。傷發病廢。致仕。長子戴祿。原任牛錄章京。

崇德八年。隨官兵征明。至北京。有民兵拒敵。擊敗之。明總兵王某自薊州敗走。戴祿率兵追擊。斬殺甚衆。進攻玉田縣。敗城內出戰兵。又進攻河間府。所屬兵索爾和訥首先登城。至山東攻

滕縣克之。又攻曹縣城。所屬兵征哈達。復首先登城。

賜銀緞布馬匹。順治元年。隨官兵征流賊。攻潼關。敗賊兵。二年。從征福建。擊賊有功。又攻建寧府。敗賊兵五百。攻浙江諸暨縣。擊敗賊兵。獲鎗礮軍器甚多。戴祿子噶篤渾。原管牛录。順治十五年。從安南將軍內大臣達素。攻臺灣。擊海賊鄭成功兵。敗之。康熙十五年。從征平涼。有功。又從撫遠大將軍公圖海。率官兵攻興安州。有偽總兵王

遇隆領兵二千拒敵。噶篤渾率西安府駐防四旗兵擊敗之。進攻保定^寧。擊敗敵兵。沉其船。又隨建威將軍佛尼勒。攻盤石關等處。率本旗兵敗賊。至秦州攻城。身先進戰有功。哈哈納第四子費揚古。原管牛录。康熙十三年。隨官兵征逆藩吳三桂。至湖廣彝陵。有偽將軍陶繼智等。自宜都領戰船三百餘隻。賊兵萬餘逆戰。費揚古隨護軍統領額思泰。率舟師衝入。顛門中頭等傷力戰。獲賊大船。議叙得三等功牌。偽將軍王國

佐等領賊萬餘在攸縣拒敵。率本甲喇兵敗之。追擊十餘里。斬獲甚衆。永興之後。擊賊胡國柱。兵戰一晝夜。敗之。進攻長寧縣。獅子嶺等處。費揚古俱爲頭隊。衝鋒陷陣。十九年。補授駙騎叅領。二十五年。補護軍叅領。二十九年。陞平郡王長史。三十五年。陞本旗漢軍副都統。是年。征厄魯特。噶爾丹。中路進兵。以副都統兼管火器營。

三十六年。卒。

並查國兵二千。率而

其

